

Visoki predstavnik putuje u Brisel kako bi podnio izvještaj NATO-u i EU

Visoki predstavnik, Paddy Ashdown, u srijedu 30. oktobra u Briselu izvijestiti NATO i EU o procesu reformi koji je otpočeo u Bosni i Hercegovini, i o tome kako bi ove reforme, u slučaju da budu implementirane, trebale da ubrzaju proces približavanja BiH ovim dvjema institucijama. Visoki predstavnik će također podnijeti izvještaj i o aferi Orah.

Visoki predstavnik će se zajedno sa komandantom SFOR-a, generalom Williamom Wardom, obratiti zajedničkom sastanku Sjevernoatlantskog vijeća i Komiteta za sigurnosna i vanjska pitanja EU, PSC. Visoki predstavnik će se također susresti sa Komesarom za inozemne odnose pri EU, Chrisom Pattenom, kao i sa Generalnim sekretarom organizacije NATO, Georgeom Robertsonom. Visoki predstavnik će objasniti nedavne događaje u Bosni i Hercegovini, naročito one u vezi sa programom reformi te aferom Orah. BiH mora provesti neophodne reforme kako bi postigla napredak na svom putu priključivanja evropskim strukturama.

Visoki predstavnik će tokom svoje posjete uvjeriti i NATO i EU da ne postoji razlog zbog kojeg bi nedavno održani izbori zaustavili proces reformi. Visoki predstavnik će im prenijeti poruku da su sve političke stranke u BiH sada opredijeljene za provođenje reformi, ali da su sada djela ono što je bitno, a ne riječi. Visoki predstavnik će isto tako saopštiti da, dok će nacionalne stranke morati raditi dugo i marljivo kako bi uvjerile građane BiH da su istinski opredijeljene za reforme koje su u interesu svih građana BiH, njegov posao biti da sarađuje sa novim organima vlasti kako bi osigurao da se ove reforme provedu.

U vezi sa aferom Orazo, visoki predstavnik će reći da ukoliko je BiH prekršila embargo na oružje koji su Ujedinjeni narodi uveli za Irak, kao što se sada čini vjerovatnim, onda je ova situacija vjerovatno najozbiljnija situacija sa kojom se BiH suočava od kraja rata. Visoki predstavnik će objasniti NATO-u i EU da od organa vlasti RS zahtijevamo da urade dvije stvari. Prvo, da sprovedu potpunu i javnu istragu ove afere, te da uključe i organe vlasti BiH. Kada se ustanove činjenice, očekivat ćemo da se poduzmu mjere kako bi se popravila šteta nanesena međunarodnom ugledu BiH tako što će se osigurati da oni koji su povezani sa ovom aferom preuzmu odgovornost za ono što se desilo. Drugo, očekujemo od organa vlasti RS da sarađuju sa nama na uspostavljanju sistema koji će spriječiti da se ovako nešto ikada ponovo desi. Ovo će podrazumijevati reformu načina na koji se kontrolira izvoz oružja. Ovo će također značiti unapređenje sistema za provjeru i kontrolu svega onog što se uvozi i izvozi preko granica BiH. A podrazumijevat će i rješavanje šireg pitanja civilne kontrole nad vojno-industrijskim kompleksima.